



Broj: 01,02,03,03/11-05-1-85/14

Sarajevo, 5.5.2014.

KOLEGIJU PREDSTAVNIČKOG DOMA PSBiH
KOLEGIJU DOMA NARODA PSBiH
KOLEGIJU SEKRETARIJATA PSBiH

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	29-05-2014	Redni broj	Broj priloga
Organizaciona jedinica	odjel	broj

B

**Predmet: Izvještaj s 12. konferencije predsjednika parlamenata zemalja
Jadransko-jonske inicijative, Tirana, 27. i 28. april 2014. godine**

U okviru predsjedavanja Republike Albanije Jadransko-jonskom inicijativom, u Tirani je 28. aprila 2014. godine održana XII konferencija predsjednika parlamenata zemalja Jadransko-jonske inicijative. Na konferenciji su učestvovali predstavnici parlamenata Albanije, Italije, Slovenije, Hrvatske, Grčke i Crne Gore. Delegaciju Parlamentarne skupštine BiH predvodio je Milorad Živković, predsjedavajući Predstavničkog doma PSBiH.

Osim predsjedavajućeg, konferenciji su prisustvovali i: Dragoljub Reljić, sekretar Predstavničkog doma PSBiH, Željko Kuzmanović, šef Kabineta predsjedavajućeg, i Enida Mehmedovski iz Sektora za međunarodne односе i protokol.

Na početku inauguradne sesije, učesnicima su se obratili Nj.E. Ilir Meta, predsjednik Parlamenta Republike Albanije, i Nj.E. Edi Rama, premijer zemlje domaćina.

Predsjednik Parlamenta Albanije istakao je zadovoljstvo uspješnom organizacijom ovogodišnje sesije i zahvalio prisutnima na dolasku. Posebno je naglasio potrebu rješavanja zajedničkih izazova djelovanjem svih članica Jadransko-jonske inicijative.

Pozdravljajući prisutne, premijer Rama istakao je ulogu Vlade Republike Albanije u svjetlu predsjedavanja njegove zemlje Inicijativom. Tom prilikom naročito je istakao trud Vlade Republike Albanije u osiguravanju energetske stabilnosti za zemlje Balkana. Takođe je izdvojio izgradnju „plavog puta“, koji bi povezivao Albaniju s BiH, Hrvatskom, Slovenijom i Italijom, što je preduslov za makroekonomsko uvezivanje ovih zemalja i šire regije.

Rad konferencije odvijao se u dvije sesije.

Prva sesija bila je posvećena približavanju EU, a učesnicima su se obratili šefovi delegacija.

Prvi je riječ dobio predsjedavajući Predstavničkog doma PSBiH Milorad Živković, koji je istakao značaj kontinuiranog održavanja ovih konferencija i važnosti regionalne saradnje.

Predsjedavajući Živković pojasnio je hronologiju procesa evropskih integracija u Bosni i Hercegovini, istakavši i probleme koji koče dalje približavanje, a to su, prije svih, izvršenje presude u predmetu Sejdić i Finci i uspostavljanje mehanizma koordinacije, a u svjetlu složene strukture BiH, naročito FBiH. Na kraju izlaganja naglasio je vrlo vrijedne rezultate ankete građana o želji za pristupanjem EU, kada se čak 85% građana izjasnilo pozitivno.

Šef grčke delegacije ukázao je da ova organizacija mora raditi kao strateška mreža među narodima i da se treba fokusirati na medije putem kojih mora imati pozitivan odjek u javnosti i tako uvjeriti građane u ciljeve ove inicijative.

Na prvoj sesiji govorio je i šef delegacije Crne Gore, koji je istakao pozitivan put ove zemlje ka EU.

Podršku Inicijativi dali su i potpredsjednica Parlamenta Slovenije i senator Italije. Predstavnica slovenačkog parlamenta istakla je podršku Republike Slovenije širenju EU, uz tezu da EU ne postoji radi 6, 12 ili 28 zemalja članica nego radi svih zemalja u Evropi. Šef italijanske delegacije istakao je značaj širenja EU i podršku Republike Italije svim pozitivnim inicijativama koje dolaze iz zemalja koje teže pristupu EU.

Tema druge sesije bila je "Promocija održivog ekonomskog i socijalnog napretka Jadransko-jonskog regiona – promocija turističkih usluga na osnovu lokalnih proizvoda".

U svom obraćanju na ovoj sesiji, Milorad Živković se osvrnuo na značaj povezanosti ove teme i evroatlantskih integracija, naglasivši pri tome da ova rasprava uključuje širok spektar pitanja, te da su ekonomska i socijalna pitanja visoko na listi zajedničkih prioriteta.

Također, naglašen je značaj jačanja konkurentnosti tržišta, kao i pojedinačnih i zajedničkih ulaganja. Tokom svog obraćanja Milorad Živković je iznio inicijativu za uspostavljanje direktnih prevoznih linija između glavnih gradova država regiona.

Na drugoj sesiji govorio je i Josip Leko, predsjednik Hrvatskog sabora. U svom obraćanju istakao je da Republika Hrvatska s nestrpljenjem očekuje donošenje Strategije EU za Jadransko-jonski region, krajem ove godine. Promocija održivog ekonomskog rasta i zapošljavanja, te poslovnih mogućnosti i bolje saobraćajne povezanosti razvojem intermodalnog transporta dio su prioriteta ove strategije.

Šef grčke delegacije potvrdio je optimizam u radu konferencije, naglasivši da samo zajedničkim djelovanjem možemo osigurati održivi socijalni i ekonomski razvoj i nadzor nad zaštitom Jadransko-jonskog bazena.

Tokom obraćanja učesnicima sesije predsjednik Parlamenta Albanije prenio je podršku predsjednice Skupštine Republike Srbije radu ove konferencije, uz izvinjenje zbog izostanka srbijanske delegacije radi inauguracije nove vlade Srbije.

Nakon završetka konferencije usvojena je zajednička izjava. Predsjednici parlamenata članica Jadransko-jonske inicijative (JJI) zajedničkom izjavom su podržali razvoj Strategije EU za

Jadransko-jonsku makroregiju (EUSAIR) kao novi oblik saradnje koji je u skladu s evropskom strategijom razvoja Evropa 2020.


U izjavi usvojenoj na 12. konferenciji predsjednika Parlamenata Jadransko-jonske inicijative u Tirani ističe se da bi EUSAIR bio sredstvo za omogućavanje rasta i održivog razvoja regije čija je posebnost to što okuplja države članice EU i one koje to žele postati. Stoga je odlučeno da svaki parlament osnuje ad hoc delegaciju radi što boljeg praćenja rada Jadransko-jonske inicijative i razvoja EUSAIR-a.

Na kraju, zahvaljujući se učesnicima konferencije, predsjednik Parlamenta Albanije uputio je srdačne čestitke predsjedavajućem Predstavničkog doma Parlamentarne skupštine Bosne i Hercegovine povodom predstojećeg preuzimanja predsjedavanja Jadransko-jonskom inicijativom od 1. juna 2014. godine.

Izveštaj pripremila:

Enida Mehmedovski

Sektor za međunarodne odnose i protokol PSBiH



Dostaviti:

- Naslovu
- Komisiji za vanjske poslove Predstavničkog doma PSBiH
- Komisiji za vanjsku i trgovinsku politiku, carine, saobraćaj i komunikacije Doma naroda PSBiH
- Sektoru za odnose s javnošću
- Sektoru za međunarodne odnose i protokol